

(<https://news.usm.my>)

Berita Mutakhir

14
JAN

KERUSI PERGIGIAN BERIMEJKAN KARTUN TARIK KANAK-KANAK LAKUKAN RAWATAN GIGI



USM, KUBANG KERIAN, KELANTAN, 14 Januari 2018 – Klinik Pakar Pergigian di Pusat Trauma dan Kecemasan Hospital Universiti Sains Malaysia (USM) yang mula beroperasi pada awal tahun ini menjadi tumpuan bagi perawatan pergigian mesra kanak-kanak kerana mempunyai kerusi pergigian unik berimejkan watak animasi yang boleh mengurangkan ketakutan pada kanak-kanak ketika melakukan rawatan gigi.

Hasil daripada kerjasama pintar bersama rakan strategik, Meichen Stomatological Hospital, China, membolehkan Hospital USM menerima dua kerusi pergigian khas yang dihasilkan khusus untuk keperluan rawatan kanak-kanak dan golongan kelainan upaya (OKU).

Menurut Dekan Pusat Pengajian Sains Pergigian (PPSG) Kampus Kesihatan USM, Profesor Dr. Adam Husein, selain menerima dua buah kerusi pergigian kanak-kanak ini, Klinik Pakar Pergigian Hospital USM juga menyediakan 29 kerusi pergigian untuk pengajaran dan pembelajaran serta 12 kerusi pergigian untuk rawatan pakar-pakar pergigian meliputi pelbagai bidang kepakaran.



"Antara khidmat yang ditawarkan ialah pembedahan Oral Maksilofasial, pergigian kanak-kanak dan keperluan khas, Prostodontik, Periodontik, Konservatif dan Endodontik, Ortodontik, perubatan Oral dan Patologi Oral, kesihatan awam pergigian serta rawatan pergigian umum.

"Perkhidmatan Pergigian Hospital USM juga berhasrat untuk menjadi pusat rujukan terkemuka di Malaysia dan juga peringkat antarabangsa dengan menawarkan rawatan-rawatan khas seperti Pembedahan Ortognatik, Maksilofasial Prostodontik dan lain-lain di samping rawatan-rawatan kepakaran umum," jelasnya.



Majlis perasmian Klinik Pakar Pergigian ini telah disempurnakan oleh Naib Canselor USM, Profesor Datuk Dr. Asma Ismail dan disaksikan oleh Pengarah Kampus Kesihatan USM Profesor Dato' Dr. Ahmad Sukari Halim.

Teks: Mohamad Iqmal Mathlan/Foto: Wan Mohd Rashidi Wan Mood



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015